

Opitz, Martin: An seine Buhlschafft (1624)

- 1 Den Spiegel send ich euch/ jhr Spiegel aller Frawen/
- 2 Daß jhr die Göttligkeit an euch recht möget schawen/
- 3 Ob gleich kein Spiegel ist zutreffen jrgendt an/
- 4 Der euch/ jhr schönes Bild/ schnurrecht entwerffen kan/
- 5 Doch/ soltet jhr gleichwol erkennen meine Sinnen/
- 6 Ihr würdet auch gewiß leibhaftig sehen können/
- 7 Dann jhr mir seyt alldar so starck gebildet ein/
- 8 Daß jhr euch selber nicht so ehnlich künnet sein.

(Textopus: An seine Buhlschafft. Abgerufen am 23.01.2026 von <https://www.textopus.de/poems/10636>)